

风倒梧桐记

何是非

文硕阁

wenshuoge.com

目录

关于我们	3
风倒梧桐记卷一	5
风倒梧桐记卷二	11

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

风倒梧桐记卷一

三山何是非印甫集

衡阳桂藩，流寇蹂■〈足兰〉其桐封，徙寓端溪，此崇祯末年事。

福京弗守，两广制台丁魁楚，会同粤西抚台瞿式耜、广东按台王化澄、广西按台郑封、肇庆知府朱治■〈丩 间〉，策拥桂藩第二世子由榔为皇帝，仍称隆武二年，以明年为永历元年，改肇庆府署为行宫。此丙戌年十月初九日事。晋魁楚首揆，兼摄冢宰事；式耜宗伯，预知机密；化澄宪副，封通参；治■〈丩 间〉右副兼兵部侍郎，提督两广。承魁楚后，内外局惟魁楚主裁。

端溪，隔羊城省会止四百里，拥立时，嫉凌烟列名多人，无一函商。及三司各属既立后，不复颁新天子诏，惟鬻爵是课。时羊城左藩顾元镜，耻不与策戴勋，适隆武阁臣何吾驺、苏观生从闽逃归，亦遂立隆武弟为皇帝，改都司署为行宫，建元绍武。学臣林佳鼎，晋总宪，行大司马事，提兵西上三水，意侵端溪；式耜亦奉命出东峡，设炮御焉。十一月十五日，林瞿对仗，一炮歼林，侦者误传瞿败。端溪新创，朝廷逃徙一空，永历帝随众奔遁，直达梧州，五百里溯流、两日夜并程也。太后马氏，通史书，不欲世子称帝，呼省臣李用楫、台臣程源等面呵无固志，且诘责奔逃状。适式耜手报至，知前讹，诸臣皆伏地引罪，遂奉永历帝再至端溪，别遣清江伯严云从护三宫顿驻桂林。

十二月十五日，清朝总镇李成栋突入广州，苏观生伏诛，何吾驺、顾元镜等皆投诚，绍武帝削除，端溪丁魁楚罔不知耗。惟计值百司，给凭给札，无暇峡以外事。二十五日早辰，谢恩见朝者犹趋踰殿陛，忽有肩舆出城，掠一小艇，驾上西峡，喧传为永历帝。于是，文武纷逐，各不相顾，帝固知有确信，随奔者亦知事决大坏，不可瞬息留。惟魁楚则春容雅度，渐移行李入舟，瞠目而视，反若局外观者。魁楚则别有作用——丁魁楚者，河内永城县人也。晋抚失机，遣戍五年。戊寅年奉旨纳饷三千两，许本军准回原籍。魁楚援例得归，永城县有在籍总兵刘超者，壬午年冬十月，以私仇杀丁艰侍御魏景琦，按台王汉奉旨往勘，超又一箭毙汉，且据县劫众，乡绅勒魁楚为之上疏讼冤。魁楚且款且代，阴为之计，别遣子弟兵四面布置。至癸未年三月初一日五更，伏兵四起，用铁网遏超之身，擒解至京献俘焉。魁楚叙功复职，当年职方郎王永绩，量加本省屯田巡抚之衔。至明年甲申，马士英留都用事，竟总制两广。自乙酉二月到任，酷则未有之酷，贪则未有之贪。本年闻宏光之变，即潜通靖江王，下广举事。靖江王果以桂林推官顾奕为相国，临桂知县史其文为兵尚。八月初七日，立抵端溪，丁魁楚已于初六日拜福建隆武登极诏，随架火炮，碎靖江之船，并擒史、顾二人，解闽省正法焉；邀功靖越伯。此不可质之鬼神者。今拥立永历。十二月十五日省城之变，彼知最早，即密遣亲干赍精金三千两、珍宝称是，嘱其重贿清兵主将，须百计为之先容。至永历帝十二月二十五日逃奔时，彼日

有密报亲干已投入李成栋下为家丁，惟望佳音入耳。故众虽忙逃，而彼独安闲也。彼有大硝船四十只，将三年官囊装入舟中。又在肇庆度年。丁亥年正月初旬，方移上岑溪县，假意于城中修盖茅屋，实不登岸，静候广城消息。亲干于二月初方敢以精金珍宝上供成栋，通魁楚孝敬至意。成栋曰：何不早言？正要请你老爷仍做两广军门，快赍书去。二月二十六日，魁楚于岑溪县舟中，得成栋手翰，喜从天降，更不必造屋，仍移四十号哨船顺流东下。时，李成栋驻扎梧州，先上五里迎接，握手谈心，相见恨晚。知魁楚三子入广，已失其二，止存一大令郎，亦必请见，交情世谊，有加无已。临晚，成栋请魁楚父子接风，隆重出于常套之外，握手订曰：明日吉期，即烦再掇两广篆，拜表即真，亦在明日，举令旗、令牌、符验、旗纛、制台旧敕印，一并手付，魁楚欣慰，笑乐之极。惟求早退为明日到任之举，欢颜而别。魁楚就枕，魂随蝶舞矣。忽三更时候，成栋舟中四面列炬，遣一令旗宣请丁老爷、丁相公密语。是时，魁楚不知所以，父子急忙过船，见成栋正位不动，知事有变，即下跪曰：某止一子，请饶狗命。成栋曰：尔欲饶子乎？先令砍下。左顾而首级至矣；即驱杀魁楚焉。成栋再上船头，四面火光照耀，如同白日，将魁楚家丁，每营分配一人家；眷船中，一妻、四妾、三媳、二女、几婢、几仆妇，逐一搜检，归入成栋舟中。惟一妾于过船时投入水中。四十船之厚橐，未尝失一纸角，悉归成栋。魁楚三年贪酷，止赢得父子骈首，妻妾媳女恣他人臂上欢也。哀哉！虽然，岂尽贪酷之罪，闻其舟中精银实有八十四万，倘以十万佐永历上桂林，四十大哨船掖护之，犹不失身荣。首相，妻儿恒在膝下也。总之，无君之报，魁楚可鉴焉。

丁亥永历元年正月朔，永历再达梧州，于知府陆世廉，取库银五十两，为雇夫费，北进府江，所召次辅李永芳、晏日曙、冏卿田芳银、台郑封等俱潜入博白县深山，随行者惟总宪王化澄、大司农吴炳、宫詹方以智、文选吴贞毓、省唐针、台程源、中翰吴其靄、洪士彭、大金吾马吉祥而已。式耜仍留端溪，同朱治■〈个 间〉为守御计。复逗遛梧江者几日。二月初，式耜方尾永历帝至桂林，亦改府署为行宫，在途先已拜方以智，吴炳并相；知湖广武冈州及长、衡、永、宝四府清朝兵马未至，尚为野渡横舟矣。方、吴二相随驾北上，驻武冈；瞿式耜留守桂林，王化澄亦协理阁务，马吉祥并三宫于三月初往湖南，上武冈；衡永道臣严起恒郊迎，面阔身长，品有相状，遂拜相。百日间，崇祯末年河南江北未剿流寇曹志建、王朝俊等，奚啻数百头目，今皆逼入湖南，来归者悉赐五等爵。又晋何腾蛟为制台、加宫保，驻衡阳。李自成残兵高必正等，声言百万，流入长沙等处，腾蛟具奏，堵允锡制之，题曰忠贞营，分为十营，声势稍振。不意八月二十四日下午，武冈败，刃斫北关，弃釜餐而走；除帝驾、三宫，无不徒步跣足而奔。呱呱世子，两匝月矣，竟委沙滩。中宫嫡妹与王皇亲嫡母，乘舆出城，亦迷失无踪。吴炳不及出而死。又恐清兵于正路自全州、灌阳入桂林，帝与逃难臣工，从间道踉跄至肇远府，仅觅二小艇，载帝与三宫。十一月中至象州，意欲进南宁府，为永永不出之计。又为新兴伯焦璉乱兵所阻，寥寥文武，皆以青衣裹头，胼手胝足，面无生气，几欲散去。马吉祥左右帝，力挽众，乃分阁臣王化澄、吏左吴贞毓、司礼庞天寿，护三宫上南宁。永历帝仍溯十八陡逆流北上。十二月初三日，舟达桂林，得息残喘焉。式耜与起恒并相，君

臣上下，皆键户避兵；人无土著，街无独行；柴米货物，价昂五倍；军丁居货，交易不以善颜；无不度日如年者。

戊子永历二年二月二十三日夜三更，霍允中者，永城伯也；忽抢入大内，劫帝于寝被中，置之城外。将文武百官捆吊索勒，逼尽所有，一昼夜饱扬。帝虽裸体，幸无伤。留守阁臣瞿式耜，抢掠罄尽，只身逃下平乐府，桂林不可驻足矣。金吾马吉翔，备布袍、竹轿掖帝而行，遇水濡足，过岭扳枝，所不免也。三月初十日入南宁，随至者内阁严起恒、马吉翔、吏科许兆进、兵科吴其蠹、户科尹三聘、礼科洪士彭、大司马萧琦七人耳。帝意直欲进土州，萧琦上十便、十不便疏止之。君臣资斧，空乏实甚。起恒以首揆兼太宰，即于十五日广为开选；邕城通二十四土州，槟榔客、盐布客及土乐户，皆列驾班。四月初一日，生世子。王化澄翊护三宫功，请册为太子。诏曰万喜，赦天下。时田州、果化州等土官来朝，行在文武各曲意徇奉，冀得其欢心，思为异日逃入之东道主。土巡司皆升为邑宰，土邑宰皆升为知府，竟有道衔与土知府。盖土司旧规，原加一等行事，以道衔与之，彼竟俨然开府矣。此三百年不破之格也。

初十日，羊城总镇李成栋反叛清朝，以全广还。永历帝遣洪天擢、潘曾纬、李绮三人赍奏敦请驾蹕端州，满朝惊喜，非可言喻。然无有信之者，亦姑应之而已。先是，成栋丁亥年二月收缴两广文武印信，大小不下五千颗，于中取出制台印藏之。有一爱妾，云间所得青楼也；独携往闽粤，揣知其意，因朝夕怂恿，成栋置不理至今者。四月初三日晚饭侍酒，复挑之。成栋抚几曰：怜此云间眷属也。盖成栋本来家眷，悉驻在松江府城内；爱妾曰：吾敢独享富贵乎？先死尊前，以成君子之志。遂取刀自刎。成栋抱尸哭曰：女子乎，是矣。当即取梨园袍裳、腰金、吉服、晋贤冠，四拜而敛之，出两广制台印，具疏迎永历帝于南宁。洪、潘、李三人到后，又有沈原宥者，再赍成栋速驾之奏至，知其事果真。于是，弹冠之兴，草木皆飞。王化澄杜门半年有余，忽尔入直矣。朱天麟变姓名，隐太平府，走别窠，邀拜相矣。晏清自田州出家宰矣。张凤翼兵科兼翰林修撰矣。张佐辰与扶纲自贵州来，司文选考功矣。顾之俊于制中亦来随驾，上天地人三策，水火药三用矣。张起、王者友等各造一名色，营考选矣。吴江县书役王正国为吏部司务矣。董云襄为大行矣。潘骏观进兵曹、王署户曹矣。庞天寿掌司礼矣。吴贞毓吏侍兼副宪先，遣下广答谕李成栋矣。又下考贡之旨，村师巫童以及缁衣黄冠，凡能搦管出黑字于纸上者，悉投一呈，曰山东、山西某府、某县生员，然必取其极远者，以无可证也。曳裾就道，弥漫如蚁。曾经出仕，金曰迎銮，游手白丁，诡称原任。六曹两侍，旬日间驻列济济，然相遇于朝堂道左，各不举手为。有一二科甲在内，故凌气质以自尊；二三势力在内，为豪亢以自高。此外菜佣、屠夫，出门皂役，倡优、钁卒等项，虽居然进贤冠也，行行队队，若不欲以面示人。但见无故穿吉服者有之，无故穿素服者有之，独自锦绣者亦有之。脚下之靴卑末而天蓝剪绒者不异也；快靴聊当，取其形似耳。又有天青地白，竟有以油钉皮靴从事，亦取其形似而已。章服补带，恒未完备，亦未合式；补鹤而带银则服不合其带，带金而补雀则带不合其服，带黑角而四云大红石

蓝则带服中又相违其服、相舛其带。至人不如其带，人不如其服，人不如其站立位次，人不如其称呼礼貌，满朝皆无等威，攘臂脱肩，牛襟马裾，新创朝廷，遂成墟市，严起恒不得不任其咎。喧嚷两月，闰六月初十日，帝驾同三宫方出南宁，时值急流，两日夜已至浔州府。旧总兵陈邦传挽留诉功，柳、庆二府尚为永历据，然设官征赋自专也。诃大司马萧琦不遣兵护卫，以石碎其舟，琦闷绝而死。晏日曙、李永茂、郑封三人各舣舟苍梧县蛇庙三角嘴，以闲闯入庙，触犯蛇神，暴疾而死。羊城、端溪、梧江千余里间，注望龙舟，杳不可得，为陈邦传百计投辖。帝驾又上浔州府，暂驻府署为行宫，给发札付，始而庆国自札，继而部札，后则贵钦札。钦札者，皇帝用宝，札官与吏、兵两部不相涉者。巡检、典史、知县、知府至科道、翰林、侍郎、尚书，俱可札授。武则正副总兵与参将三种。尚书、正总钦札，亦可易百金，下广路费，需之此也。七月二十九日，至端溪城下，李成栋百里外迎接，慰劳倍至。三十日，驾留舟中。八月初一日辰刻，再入肇庆府行宫。宫中储银一万两，以佣赏赉，余衣饰器皿，亦约万金。象魏堂陛，具体可观。首相严起恒，次王化澄，次朱天麟，事之行止、政凡大小，必承成栋而后奏。成栋为人，朴讷刚忍，无矜意，无喜容，不脂韦，不多言，文武内外，惠敬而深畏焉。永历帝筑坛拜之，坛半就，成栋曰：事在人之做不做，安在坛之登不登，盖刎颈爱妾，刻不去怀，必欲得当以瞑九泉之目也。十二日，面奏永历帝曰：南雄以下事，诸臣工任之；庾关以外事，臣独肩之。一言竟去，提兵二十万上南雄。此时江右金声桓据南昌，已通成栋，约期南下矣。

成栋去后，朝局大变，都察院左都御史袁彭年，向为宜兴心腹。宜兴议处后，首揭之。后归清朝，为广东学道，出示云：金钱鼠尾，乃新朝之雅致；峨冠博带，实亡国之陋规。及返明朝，又复诋之矣。自矜为反正功臣，今又恐从龙两榜得志，道其本末长短，别出意见，横制当局。成栋有养子李元允，姓贾，河南人，以其蠢浊，不携行间，留肇庆守家。彭年特隆其体，以内外权故属之。挑其怒，以用其怒。乘其喜，以用其喜。元允为傀儡，彭年为线索。傀儡之笑骂无情，线索之机权刺骨。一时政事人心，遂乖离殊甚。吏部侍郎洪天擢、大理寺正卿潘曾纬、广东学道李绮、兵部尚书曹烨、工部尚书耿献忠、通政使毛毓祥，为成栋之所亲爱，皆自五羊来，为一种；严、王、朱三相公、吏部尚书晏清、吏部侍郎吴贞毓并杂项出身六科吴其雷、洪士彭、雷得复、尹三聘、许兆进、张起等皆自南宁随驾而来，为一种。又有从各路至者，都察院右副御史刘湘客、礼部尚书吴璟、吏科都结事中丁时魁、兵科都给事中金堡、户科都给事中蒙正发、礼科都给事中李用楫、文选司郎中施召征、光禄寺正卿陆世廉、太仆寺正卿马光仪、制司郎中徐世仪，又为一种。其广东本地人陈世杰、词林吴以连、司封李贞省、高赉明、台中杨邦翰、冏卿唐元楫、方郎等，亦为一种。一种望风归入一党；袁彭年一手招、一手驱；有力者先登、无力者仰扳；无朝廷，有成栋。成栋远，元允近。元允之亲幸未可卜，彭年之指挥不得不从。于是，元允之门遂如趋市，登其堂、望其阙，不啻龙门。每当朝期，东班趋入，西班交谈，元允东班为之一空。元允为人，暴戾自用，狂率不情，客至不揖，亦不送，喜遣仆卒与客赌博，诸公不惜身家，力陪奉之，谗浪骂座，罔忌人讳，皆袁

彭年胁制内外，曲意枉徇玉成之者。中郎无子，洵不诬矣！十月初十日夜，元允奉成栋密计，杀佟养甲于德庆道上，自此威权愈赫。是月十五，元允诞辰，在朝文武，公分之外，有私分。私分之外，有私公分。私公分之外，又有私私分。私私分馈送，憧憧月下，呼崧呼寿，无般不出矣。八月至冬杪，相奔竞于元允左右，便作中兴盛事调；中兴大业，成栋自于岭外为之也。

谁知成栋十月二十四日到赣州府城下，二十六日五更黎明，闻城上呼董大哥者三。成栋于梦中惊醒曰：董大成是吾中军，彼呼之，吾军已为彼有矣！亟披蓝布短马衣，跨一骡，不言疾走虔关，至梅关六百里，两昼夜大雨中，奔蹶前趋。彼领兵三十万，分为十大营，各营一总戎，成栋弃军而走，十总戎亦尾之而行。至进南安府城，成栋若梦初觉，顾谓十人曰：尔等何得亦来？诸人曰：大老爷走矣，我不得不来。成栋怒曰：胡说。即手刃爱将杨□□。二十万士卒、器械，尽弃赣州城下，止余百人南下，亦无颜再入端溪面君，因顺流直下珠江，为再举计。此信达朝中，诸臣工亦不以为异，各为封章为转升，仕籍纷纷，无别想、别技代成栋分忧。若有过计如何外御、如何内备，其嘖为愚人矣。至通政使疏陈乞职者，日以千计，阁臣票拟，止有「看议具奏」四字。吏部门前如破窑记彩楼招赘一曲，瞎眼拆脚，俱来冀望。文选司虽掌铨选之权，无出选之地。广东一省，非奉成栋旨咨，大小有司，不得擅为除授。桂林、平乐则留守阁臣瞿式耜为政，庆远、柳州则新兴伯焦璘为政。焦璘者，陈邦傅出京时京债主也。浔、南、思、太四府，则原思恩伯今庆国公陈邦传为政。文选所以副乞陈之望，第给一空札，为后日到部凭据而已。两衙门迎合彭年意，求元允欢颜，因共击陈邦傅。邦傅故浙东人，原广西总兵，隆武三年春，挂征蛮将军印。成栋素贱恶之，以其丁亥年二月先有降表到羊城故也。至是击之者，科臣金堡最劲。邦傅上疏云：皇上两三年几次奔逃，流离颠沛之极，并无一位两衙门官兵共尝辛苦。何今日即次稍安，侍御济锵，议论纷纭若是？如以臣为无饷无兵窃取勋爵，请即遣金堡为臣监军，观臣十年粮草、十万铁骑。已丑年正月初十日疏入，十一日朱天麟票拟，有「金堡何来、朕亦未悉」之句。时，严起恒久欲挤朱而无其隙，即以此票拟字样密示吏科丁时魁。时魁陡然震怒，连夜约结两衙门，于十三日早尽率现在科道十六人进入丹墀，共言强臣箝结言官之口，将来唐末节度可虞、宗周守府再见，因哄叫而出曰：我等不做官矣。将公服袍带掷弃庭中，小帽白衣冠而出，所恃者李元允也。元允承彭年之橐钥，权通大内，势逼至尊。时，永历帝正在穿堂，召太仆马光追论五年前永州被难逃入全州事。忽闻外变，两手震索，茶遂倾衣，情实可悯。可恨时魁等隐情，金堡原任临清州知州，李贼来时，不知云何，杜工部有喜达行在诗「辛苦贼中来」之句，谓嘲其痛筋也。十四日早，特降谕旨，敕李元允各到十六位科道门，谕令仍入办事，前本另发票拟，阁臣朱天麟即日放还田里。诸臣以为丰裁矫矫，中兴侍御第一美举。天麟于是不得不挂冠。天麟举动，原不协輿情，其未出山时，变姓名隐，居太平府山中，知有李成栋归明之事，适王太监保到山买苏木，因盛款之。王具疏特荐，详述天麟肴饌之盛、礼仪之恭而不讳，彼不知大体，以为荐之恳挚耳。严、王二相则不容有第三人，直以「该部知道」还之。又求庆国陈邦傅特疏，严、王二相谅，拟以宗伯召。时为六月初一日。阅

三日，天麟朝见矣，宗伯篆王化澄兼摄。初五日，化澄以礼篆送天麟，天麟不受也，往返推辞，自旦至暮，终不允诺。科道两衙门传揭曰：天麟原以阁臣荐，岂宜授之宗伯。今当合词以阁臣请。明日疏上，则仍以「该部知道」还之。于是，天麟不得不受宗伯矣。无已，乃营大儿日生为侍御，即令管河道事；次儿月生为中翰，弟天凤为大行，又雇乡兵四十五人挺鎗揭旗，随侍左右，云为将来出将地。凡会客讲话，非日昃夜分不了。在苏为朱怪，在广为朱痴，至是一门摈逐，半系自取。又去秋七月，帝驾留浚州时，帝允邦傅居守浚州，写敕中书张立先得银二十四两，遂以世字易居字，亦并发之，欲追其敕，更正居字，然而未果也。正月二日，以攻陈邦傅为正课，其余总不暇计。

至李成栋，旧冬十一月还羊城，整顿兵马，十一月二十七日，又上南雄，于滇阳峡中，忽见所杀之将杨某索命，成栋攀弓射之，身随弦去，堕入水中。救起神情惨然，从此亦不敢踰梅关，驻军信丰县城。二月二十六日，出师南下，三更先发火器手三百，责付曰：如前遇敌兵，尽发火炮，我为后应；不尔竟前走。至黎明杳无炮声，众皆曰：火器军决然前往，吾当拔营。披甲上马，言未绝口，清兵杀入，满营溃乱。盖火器手遇清兵，当欲取火，奈暴雨忽至，火为雨灭，火炮半声不发，三百火器手砍斩不遗一人故也。成栋营后即系急流大山涧，有见成栋被甲未完，乘一跛马渡涧者；及过涧后，觅之无有也。

风倒梧桐记卷二

三山何是非卯甫集

己丑永历三年三月初七日，成栋凶信与湖广何腾蛟凶信一刻并至，惊破魂胆，逃徙昼夜，议论水火，门户冰炭，万千葛藤，悉皆解释，平靖者一月。两衙门有望气者，以为成栋死，而元允不足恃；彭年之健翮，思有以铄之。具重朝廷、抑奔竞一疏，申请以事权归永历帝，隐弹及彭年之把持。彭年怫然震怒，答疏中有倘臣旧年以三千铁骑鼓励西行，今日君臣安在等语。永历持其章疏，泣诉臣下，举朝失色。肇庆因而有假山图、五虎号。假山图者，假者贾也。绘假山一座，下绘朝官数百。有以首戴之者，有以手抱之者，有以肩背负之者，有以木杖支之者；有仰望者，有远听者，有指点话言者，有惊怕退避两手掩耳而走者。又山巅黑气一道，直上冲天。此皆市井童叟不平于胸中，为此图以诒谐之也。五虎号者，吏部丁时魁、户部蒙至发，俱彭年同乡，楚产也。一为虎尾，一为虎脚。兵部金堡，浙人也。因在福建为延平知府，疏激隆武赏赏罚不明，连杀同乡尹文炜、施璩二人，人畏之也，为虎牙。副宪刘湘客，关中一布衣，来自留守阁臣瞿式耜，又为成栋同乡，故为虎皮。虎头，则袁彭年也。日将祖制二字说迂谈讲空话，因之获厚利，言非虎党不发，事非虎党不成，星岩道上，遂成虎市。忽四月初六日，云南张献忠养子孙可望，遣龚鼎、杨可仕等六人献南金二十两、琥珀四块、马四匹，遗书求封秦王。其书曰：先秦王荡平中土，翦除贪官污吏，十年来未尝忘忠君爱国之心。不谓自成犯顺，玉步旋移，孤守滇南，恪遵先志。合移知照，王绳父爵，国继先秦，乞敕重臣会观。诏上仅书己丑年正月十五日孙可望拜书，以方幅黄纸书之，不奉朔，亦不建朔。如此议下，群臣怱怱，以秦王封者，十有八九。独兵部金堡，固争以为祖制无有。李元允、袁彭年因龚鼎、可仕者自陈邦傅来，亦决以为不可，阻挠者两月而未定。广西南宁府与云南广南府错处，中止隔田州，其间两日可达，邦傅于戊子年十月强娶南太道臣赵台女为媳，亲到南宁，因通可望。可望所差之人，邦傅引导，可望附差出门时，有秦王不允，滇兵杀出南宁等语，邦傅首先被难者也。恐甚知行在，刻印刊印、喙长计短，又为金堡所持，不能必得，乃先假敕假差，封孙可望为秦王。可望肃然就臣礼，先五拜叩头，舞蹈称臣，受封秦王。后率其义兄弟三人，并三军士卒各呼万岁。后又秦王升座，受义兄弟三人并三军士卒庆贺。礼毕，正欲缮表称贺，适龚鼎等赍荆郡王之敕到。可望毁裂弃地不问亦不改前封也。谢表亦遂止。时已十月初矣。孙可望者，张献忠养子中之一。自献忠丙戌年炮毙于成都府，可望遂入贵州，据定番城，依息人马，其意欲入滇南取沐府也。不意沐府之事更奇。沐府世守云南，为桑土绸缪计，即稍破慳囊，亦情理之所应然。乃燕台告变，彼高卧也。金陵失守，彼高卧也。丙戌七月，福京再陷，于是司、两院启请增兵守滇南境口，恐防客兵流入。增兵必先措饷。今求助饷，沐主天波戚容曰：极是要紧事，只为还年多费，不能助一缗。奈何！奈何！还宜从长酌处。然增兵之说不可再迟，各有身家，刻下欲行者也。滇田甚饶，无容议加。天波以为各土司用盐颇多，再增本府一票，饷可从出矣。众皆是之。乃令盐场计会官给运使之盐票，再置沐府之饷票，准于九

月为始。初行时，土司有遵法纳沐票饷银者。初九日，楚雄府土司吴必魁抗令焉。于盐场中不惟弃沐票，并夺商盐。鸣之县，县差捶之；鸣之府，府差杀之。声言已无朱皇帝，何有沐国公！遂举众入城，执楚雄府文武官数罪而杀之，又并其城而据之。天波于是为饷票生事矣。欲除大憝而克楚城，非藉壮隶之力不能也，计必调土司之强有力者，以靖扫之。崇祯初年，滇南有浦民升之乱。民升非自能为乱也，其妻范氏恣甚娇，色甚美，而力甚巨，且多智，而不好静，日驱挟民升振旗鼓，掠勇壮以取乐。朝廷为之耗饷发帑，几二十万。两院司道夺职镌级者，不计数。恒怯僨弁陨命革逐，正不知几十百也。后民升将败，忽与言别曰：尔不可以我为妻，我亦不与尔为夫，我去矣。即去鹤庆府执一土司沙定洲曰：惟我与尔，可为夫妻。沙定洲曰：我有妻也。范氏曰：请出，我与语之，妯娌称呼。三言未毕，一揖拱定洲曰：今未可为百年之好乎！于是，定洲一遵范氏之约束，征发调遣，号令严明，遂为滇南土司中富强第一。兹天波以令符调之，彼欣然倾洞而出。十一月初旬，困楚雄。十五日，已解吴必魁，扫靖楚雄府，奏令再设文武各属，为守土抚治计。天波喜甚，赉金帛重赏之。定洲又奏曰：臣夫妇欲来面恩。至是月二十九日，天波升座，两榭设仪仗，鼓乐旗帜极其炫耀，受拜受贺。定洲止夫妇两人耳，三叩未完，两人俯首，忽趋上殿，急视之，两人各舞，两刀已格杀左右几人，天波急奔入内殿，两人亦竟入内殿，随见随杀，沐府男妇内侍不啻四、五百，顷刻尸横遍地，幸天波踰墙而逃。彼反徐徐升殿，已有拜贺趋跄，供其调遣。四城门又有定洲亲信之人，典守盘诘。盖彼破楚雄后，各兵已俱潜伏在城，亦刻期共起。天波慳养兵之几百金，竟至妻儿不保，三百年祖业丧亡，亦可哀也。定洲夫妇坐据沐府，殿宇华美，宫室壮丽，三司两院许仍照旧供职，日辇天波三百年蓄积尽入本洞。其所藏之富厚，奚啻敌国；他物勿论，箭头石青、箭头朱砂、落红琥珀、马蹄赤金，装以细篋筐，每筐五十斤，藏以高板库，每库五十筐，共二百五十库也。珍珠青红宝石黄龙凉伞，一百四十顶。定洲夫妇，自十月搬运至丁亥年四月方完。此信一达于孙可望之耳，拍案而起曰：此吾几上肉也。沙定洲么么小寇，何得袭我囊中之物！遂宵夜而行，竟入云南府，时为七月初二日。定洲夫妇已先三日遁归本洞，可望只取沐府空宅，因咨访天波，并骈戮三司两院。天波来自大理府，可望许之复仇，即用天波为报门官。十一月，选三千精锐，困围定洲土洞，至戊子年二月，擒获定洲夫妇，并亲戚四人。沐府之藏，并定洲之所素有，仍尽辇入沐府内宅。孙可望将所擒六贼，于沐天波坐前，活剥其皮。天波亦于可望前叩首称谢。此可望入滇之始末也。行在六月初，袁彭年生母死，自谓丁艰不守制，喧言于众曰：我家受国恩深重，奕世科名；更受天地之宏大，代产异才。我今享年过先人，天正不欲置我于无用之地也。党中人以为国尔忘家，中兴可望，宜晋世爵。马太后甚恶之，宣查丁艰不守制是何朝祖制？彭年又腆颜月余，挟重资而去，拥妾寓佛山焉。七、八两月，又为堵允锡浮苍梧而下崧台，始则颂，后则讪，呶呶者又两月。永历又批发学道李绮生银三千两，付之连络高必正忠贞十营头矣，李元允登门强索而去。时忠贞已下浔、梧，抢杀允锡，无可奈何，乃纵酒以解之。八月二十七日辞朝，适得史其文无主家眷委禽焉。因酒胜气塞，色又承之，遂毕命于潯州府。因此番下广，实为李元允等所奚落也。朝中虎局久定，彭年虽去，无敢探穴。时崇祯朝旧相公何吾驺、黄士俊正月二十八

日入直以来，论章不止盈篋，兹皆告归。此时揆地纷嚣，疏未拜稿，先商票拟，落旨拂情，则与相公仇论。相公袖中簿，备一底簿示之，委云内改，闻有两底簿云。又日出拜客，客必候面，颇烦苦。惟严起恒能耐之，故能久安。至九、十两月，起恒独相，奉永历帝粉饰太平，赠何腾蛟中湘王、李成栋宁夏王，皆设坛挂白，帝俱拭泪亲上奠。又有假吴三桂疏、假东京回书，皆曰四方好音日至。如醉如梦，妄想妄忆而已。两衙门又以考选考贡事，是非贿赂，日夜忙忙。长洲伯王皇亲新戏子成班，文武臣工无夕不会，无会不戏，无戏不彻夜。加级加衔，巧获三代恩纶，荫子勋封，各样异数，如如意珠，所想必求，所求必遂。武弁无不世袭分茅，蕞尔端溪，鼈腹俱满。间有一二知己，亦思为绿野锦堂计。奈梅关破，玉望难生出日，悠优姑待若天下不独生一李成栋，青楼女子必多，若成栋之爱妾者，曾见有见几？而不俟终日者三人，吴璟、方以智、李用楫也。吴掌宗伯，见咨入贡生皆作牛头马面，挂冠朝门而去。方参机密，见涣发丝纶不达城外，弃妻子而去。李则初遣敕封交南，以失印而罢，继差敕封滇南，以议更而罢，又以家眷舟中三次逢盗，日给无资，亦遂拂衣而去。此皆戊子、己丑年事也。然宫禁湫隘，供奉清素，不踰千金子也。侍女寥寥，亦俱幼蠢荆布。内侍夏国祥，以六十金于广城娶一歌舞青蛾，发方覆额，不一月而失所在，遍索城中不得，越三日于东池水面浮起红带，已殒命于中，想亦有所不得已也。盖府署与高要县学并峙，中隔一池，于是覆土填其半，日于下午永历帝同内侍骑射其中，帝亦多命中，三宫从侧楼阅视以为乐。三宫者，太后马、圣后王生母也，中宫王正宫也。每日三宫同帝供膳，止二十四金，凡有赏赉亦在内。帝度又宏大，报捷面恩奏毕之后，必左顾曰：赏银十两与他。内侍吴国泰、夏国祥等甚以值日为苦。至大司礼庞天寿，亦养御营兵十营，每营大总兵一人、副总兵二人、参将四人、参将之下官头二人、官头之下小卒一人耳。一营十人，十营亦有百人。此皆天寿出自己钞以为永历仪卫拥护，亦甚亏之矣。

庚寅永历四年正月初一日，清兵过梅关。初三日，克南雄府。初七日，信至肇庆，君臣上下魂不附体，窜溃如崩。武官家丁横眼抢杀，先劫囊之重者，如冢宰晏清等；官之显者，吏部丁时魁等。凡系文官，皆为几上肉。初九日，永历登舟。十三日解维，随路劫夺，文职无完肤。二月初一日，至梧州，皆以舟为家。李元允久与陈邦傅相轧，不敢西上，停舟肇庆。五虎失势，报仇者寝皮食肉，独袁彭年以艰先去，将金、丁、蒙、刘四虎奉旨逮问，照北京厂卫故事，全副刑具，轮番更用。以有马吉翔在此，彼固以北金吾起家，纵送乘落，尽其法也。招赃俱有十五、六万，云为受刑不过所致。拷问时金呼二祖列宗，丁与蒙、刘则满口老爷饶命、万代公侯等语，不计叩头而已。向之附五虎得志者，胆破魂消，倾家掩盖。永历登极三年，至是始见声色。至四月间，羊城未下，杜永和时有捷报至梧州，李元允以计杀叛将罗守诚。局势稍缓，再行考选，略似人形者，无不绣衣铁简，木天銓席，然得之非分，天即有以败之。如董云骧，以台中谢恩，叩头不起，殒于皇船。朱士焜，吏科归省，全家歼于贼手。潘骏观，改銓部矣，见朝无官帽，以便服行礼，人为起「方巾片片潘双鹤」之口号，亦遂夺职。如此之类，不一而足。严起恒逍遥河上，至八月十五日，无以为金镜之献，亲书「水殿」二字，置一牌坊，鼓乐迎送皇帝所坐之船

，再令群工上表称贺。情实孤舟嫠妇，形似画船箫鼓。戊子年五月初十日至今二年余矣，从无有谈兵说饷之疏，亦无有正气侃论之臣，伴食戏泄。严起恒庸臣也，亦佞臣也，亦贪臣也，非奸臣也，罪不容诛，夫复何说。时广东省臣两广总制杜永和，犹然固守。杜永和，河南人，李成栋之谨身好友也。成栋渡涧殒身时，两印永和佩之，得不亡失，传之李栖鹏。栖鹏陷于梅岭，仍不失，再传之阎可义。可义病卒于韶州，又传之李五老。五老者，元允之兄，亦成栋之养子，军士鼓噪而罢，又传之罗守诚。守诚，原成栋之中军，亦以不协众望而罢。此皆己丑年夏秋间事。至九月，永和摄两广篆，专守羊城。庚寅年正月初七日，闻清兵过岭，杜永和同三司江燦等于十四日出城上船，仍泊海珠寺侧，俟清兵一到，即挂帆虎头门也。不意俟至月终杳无声耗，永和复率三司入城，各派汛地，为固守计。至二月初四日，清兵纔至，札营城北，仰攻甚难。盖羊城东南二面距珠江，北城濠外有二里许污田，人马可站立，惟西门一带为山麓，永和为石重城守之。珠江以南五大县钱粮，各输贡不少懈。自二月至十月，清兵凡三大败，永和晋封豫国公。十月初十日，永历圣诞，永和会集文武官于五层楼拜牌，偶一呼言守西外城主将范承恩——其绰号范草包直呼之，承恩以为辱之于众也，恨甚。范承恩者，淮安府之早隶，随成栋入广者；目不识丁，故曰草包。承恩遂潜通平南、靖南二王。十月二十八日，二王兵竟攻西外城，承恩退入里城，而外城失矣。连攻三日，至十一月初二日未刻，羊城崩陷，永和率三司官携两广印航海而去，闻入暹罗国也。初五日，袁彭年首先投诚，捧犒军银八百两，哭诉当年迫于李成栋之逆犯，后则着着仍为清朝，此心可表天日。二王亦挥出之，又旧辅黄土俊、何吾驄，又杨邦翰、李贞、吴以连等，各各投诚，惟恐或后。当时打油腔嘲黄土俊，有「君王若问臣年纪，报道于今方剃头」之句。盖崇祯末年，土俊曾膺存问也。年已八十有二，复遭此几代升沈，有生不如死矣。何吾驄者，更为可怪。彼三百万家私，大澜小澜之住宅，巍焕壮丽，总付之一炬。又两广军民杀戮几百万，城郭村野毁灭几万家，致世界两次鼎革，皆由何吾驄与辜朝荐争事权、分尔我所起。从来两广在籍乡绅，必有揽两院三司之线索者，己未以后，归之香山矣。辛未以来，潮阳辜朝荐每事欲与香山角，又角之必欲胜，其中局势，毕竟香山大而力厚不胜也，愤甚。丙戌年八月，清兵取闽，尚无入广之令。朝荐，潮州人也；潮州至闽省四日程耳，亲往福州府，献下广之策。盛言三月之功，可直达西粤桂林。思得首功，便可压倒香山，而不使之出头也。清兵总镇李成栋遣三百精骑宵夜东行，由老龙而下广，过增城县，俱潜入花山。十二月十五日上午，止将十人，以青白布擄头，作洋人舟子状，直至广城布政司前双门下紫薇牌坊人丛中，各出头布，现出辮发薙头。当时止杀一人，满城崩溃。十人分守六门，将城门谨闭，于城上巡视，候至第三日，三百精骑方到，李成栋大兵月余纔到。何吾驄投诚，乞修明史，门署「纂修明史」额。广东人有「吾驄修史，真堪羞死」之谣。此时成栋初到，真是市不易肆，寸草不动。成栋亦无惊扰地方，但传檄各府州县。至明年二月，已达浔、太等处，两广定矣，辜朝荐不得别兴风波后朝荐全家被害，身首异处，居室灾毁无遗。又因丁亥年二月初一日陈子壮、张家玉二人竖义起兵，于是上而苍梧、下而潮阳，各处伏莽淫掠，小民村堡受祸。张家玉，六月兵败，身沈于江。陈子壮，潜身于高明县，复拥一妓者，因而被擒，解至省城，李成栋会同三司正法

。成栋曰：若依国法，应剐三千七百刀，今折下十倍三百七十刀罢。袁彭年跪禀曰：李老爷，国法所在，还应三千七百刀。成栋曰：我尚恨其不死来解也（？）何必如是！羊城上下稍靖，而潮阳界闽漳，山海深菁，盗贼日甚，百姓追原乱始，总起于辜朝荐请过清兵所至，恨入骨髓。又朝荐之父，横肆乡曲，凡秤尺斗斛服食器用等项，非奉彼号不得用，其号秤曰「辜爷秤」、尺曰「辜爷尺」之类是也。又成栋反明后，永历帝见驻肇庆，朝荐竟不敢见朝，虽有门生礼科李用楫三为荐剡，恐一出而其事大露。潮州士庶已欺其孤弱，己丑四月激于义愤，尽诛灭其家。呜呼！是亦丁魁楚无君之报也。至十一月初七日，闻羊城已失，各各抱头鼠窜，移舟西上，不五里，又抢杀遍行。上至藤县，遂分两股。从永历帝者，上右江；余则入容县港，王化澄等类是也。上右江者，至浔州道上，兵各散走，永历呼之而不应。入容县港者，于北流境地，为土寇尽行劫夺，弃妻失妾、亡子遗仆，比比皆是，茕茕孑身，步行足重，乞食颜羞。向为鸳班贵客，今为鹄形丧狗，哀苦万状。人生当此，真不幸也。永历帝再上南宁府，仍以府署为行宫，所喜严起恒尚不忍舍去，同大金吾马吉翔、大司礼庞天寿三人班荆对泣而已。

永历五年正、二两月，因略平安，间有旧臣从别道而至者，又有新臣不三思而就职者，文武两班，位列楚楚，然亦薤上露、水中鸥，究无依恃。忽三月初一日，孙可望发兵三千，直抵邕江，亟取兵科都给事中——当日现任其职者应天吴晋叔也，腰斩之，犹以为向日之金堡耳，不知官是而人非。再取首揆严起恒，在舟中与之追论不封秦王之故，相对犹然成礼，及别时，则投之江北。邕江之水，极其泛暴，源从交趾流入，起恒家人急驾往救，直追至横州，得其尸焉。呜呼！是亦云死之得其当矣。其余朝臣，尽皆逃散，为生为死，不得闻之。

丙戌年十月初九日，至今五、六年中之事局，日变月新，千奇万怪。后之作史者，谅亦幸此书之独存也。